

միկրոբիոլոգիան, արդյունաբերական մեացուկների միկրոբիոլոգիական վնասագործումը և այլն: Քվանտային զենեռատուրների արտադրությունը հանրապետությունում որոշակի դեռ խաղաց մի շարք նոր գիտական ուղղությունների ձևավորման գործում, ինչպիսիք են ոչ զծային օպտիկական, բվանտային էլեկտրոնիկան:

Հայկական ՍՍՀ գիտությունների ակադեմիայի գիտնականներ,— նշեց այնուհետև Վ. Հ. Համբարձումյանը,— ուշադիր հետևում են հանրապետության ժողովրդական տնտեսության զարգացմանը, որոնցում իրենց գիտելիքների, փորձի, քննադատականության կիրառման նոր ձևեր: Սովետական Միության կոմունիստական կուսակցության XXIV համագումարը նշեց, որ ժողովրդական տնտեսության հետագա զարգացման բոլոր ամենայնի նպաստելու առաջավոր գիտնականների նման ձգտումը գիտական ֆազանականության միակ ճիշտ ուղղությունն է: Մեր բազմազգ սովետական գիտության է՛լ ավելի բարգավաճման գործում,— վերջում ընդգծեց հոկտոբր,— մեծ նշանակություն ունի երկրի տարբեր հանրապետությունների գիտնականների բարեկամության, փոխօգնության և համագործակցության կապերի անշեղ ընդլայնումը ՍՍՀՄ գիտությունների ակադեմիայի գիտական օջախների հետ:

Այնուհետև գիտաժողովում կարգացվեցին մի շարք զեկուցումներ ՀՍՍՀ ԳԱ սիստեմի հիմնադրվելուց իրադարձված գործնական բնույթի աշխատանքների մասին:

«Տնտեսագիտությունը և ժողովրդական տնտեսության զարգացումը» (զեկ.՝ ՀՍՍՀ ԳԱ ակադեմիկոս Ա. Ա. Առաքելյան), «Միխայիլայի մի ֆանի հարցերը և ժամանակակից տեխնիկան» (զեկ.՝ ՀՍՍՀ ԳԱ ակադեմիկոս Ս. Ա. Համբարձումյան), «Ներհարանական գիտությունները արտադրությանը» (զեկ.՝ ՀՍՍՀ ԳԱ ակադեմիկոս Ս. Ս. Մկրտչյան), «Ընդհանուր և անօդանական Բիմիայի ինստիտուտի մի ֆանի կարևորագույն գիտա-տեխնիկական պրոբլեմներ» (զեկ.՝ ՀՍՍՀ ԳԱ ակադեմիկոս

Գ. Մ. Մանվելյան), «Կենսաբանական ակտիվ նյութերի սինթեզի հետազոտությունների հիմնական արդյունքները նոր օրգանական Բիմիայի ինստիտուտում» (զեկ.՝ ՀՍՍՀ ԳԱ քրդակից-անդամ Ս. Հ. Վարդանյան), «Քիմիա-միայի ինստիտուտի հետազոտությունների արդյունքների գործնական նշանակությունը» (զեկ.՝ ՀՍՍՀ ԳԱ ակադեմիկոս Հ. Խ. Բունիաթյան), «Օրգանական Բիմիայի ինստիտուտի գիտատեխնիկական մշակումները օրգանական սինթեզի և պոլիմերների բնագավառում» (զեկ.՝ Բիմ. գիտ. ղոկտոբ Ս. Գ. Մացոյան), «Հայաստանի անտառային տնտեսության բարելավման ուղղությամբ բուսաբանության ինստիտուտի գործունեության մի ֆանի արդյունքների մասին» (զեկ.՝ ՀՍՍՀ ԳԱ քրդակից-անդամ Վ. Հ. Ղազարյան), «Արդյունաբերական էնդրոպոնիկայի հնարավորությունները» (զեկ.՝ ՀՍՍՀ ԳԱ ակադեմիկոս Գ. Ս. Գալստյան), «Ֆիզիոլոգիայի ինստիտուտի հետազոտությունները գործնական տեսանկյունից» (զեկ.՝ ՀՍՍՀ ԳԱ քրդակից-անդամ Ս. Ա. Բակունց), «Միկրոբիոլոգիայի ինստիտուտի հետազոտությունների գործնական նշանակությունը ժողովրդական տնտեսության զարգացման որոշ բնագավառների համար» (զեկ.՝ կենս. գիտ. ղոկտոբ Է. Գ. Աֆրիկյան), «Ռադիոֆիզիկայի և էլեկտրոնիկայի ինստիտուտի գիտական գործունեության արդյունքների պրակտիկ օգտագործման մի ֆանի հարցեր» (զեկ.՝ ՀՍՍՀ ԳԱ քրդակից-անդամ Է. Հ. Միքայելյան), «Քվանտային էլեկտրոնիկան և Հայաստանի արդյունաբերությունը» (զեկ.՝ ՀՍՍՀ ԳԱ քրդակից-անդամ Մ. Լ. Տեր-Միքայելյան):

Գիտական նստաշրջանի աշխատանքներին մասնակցեցին Հայաստանի կոմկուսի և կառավարության ղեկավարներ՝ ընկերներ Ա. Ե. Քոչինյանը, Գ. Ա. Արզումանյանը, Պ. Պ. Անիսիմովը, Ս. Ս. Թովմասյանը, Կ. Ս. Գեմիլեյանը, Լ. Պ. Ղարիբջանյանը, Լ. Ա. Ստեփանյանը:

Լ. ԳՐԻԳՈՐՅԱՆ

ԳԻՏԱԿԱՆ ՆՈՏԱՆՇՐՋԱՆ՝ ՆՎԻՐՎԱԾ ՀԱՆՈՐ ՄԱՆԱՆԳՅԱՆԻ

ԾՆՆԳՅԱՆ 100-ԱՄՅԱԿԻՆ

1973 թ. դեկտեմբերի 21-ին ՀՍՍՀ գիտությունների ակադեմիայի նիստերի մեծ դահլիճում տեղի ունեցավ Նրևանի պետական համալսարանի և ԳԱ պատմության ինստիտուտի միացյալ գիտական նստաշրջանը՝ նվիրված բազմալստակ հայադետ, ակադեմիկոս Հակոբ Համազասպի Սանանդյանի ծննդյան 100-ամյակին: Իրևանի պետհամալսարանի ղոկտոբ, Հայկ.

ՍՍՀ ԳԱ ակադեմիկոս Մ. Գ. Ներսիսյանը բաց անելով գիտական նստաշրջանն ասաց.

— Հ. Մանանդյանը հայ պատմագիտական մտքի ամենափայլուն ղեմերից մեկն է: Նրա գիտական ուսումնասիրություններում նոր լուսաբանություն են ստացել հայ ժողովրդի հին և միջնադարյան պատմության բազմաթիվ կրճուռոտ հարցեր: Մանանդյանը խոր հետք է թողել

հայագիտության գրեթե բոլոր բնագավառներում: Ակադ. Ն. Մանանդյանը նաև հասարակական նշանավոր գործիչ էր, մեր հանրապետության գիտա-ուսումնական աշխատանքի առաջին կազմակերպիչներից մեկը: Նա ակտիվ մասնակցություն է ունեցել Երևանի ժողովրդական համալսարանի կազմակերպմանը, դառնալով նրա առաջին ռեկտորը:

Այնուհետև լսվեցին մի շարք զեկուցումներ՝ նվիրված ակադեմիկոս հայագետի գիտական գործունեությանը: Գիտության վաստակավոր գործիչ, դոցենտ Հ. Գ. Ժամկոչյանը զեկուցեց ակադ. Հակոբ Մանանդյանի կյանքի և գիտական գործունեության մասին: Հակոբ Մանանդյանը ծնվել է 1873 թ. նոյեմբերի 22-ին, Ախալցխա ֆաղափում: 1893 թ. ավարտելով Թբիլիսիի արական դասական գիմնազիան, մեկնում է Գերմանիա՝ բարձրագույն կրթություն ստանալու: Նա ուսանում է Ենայի, Լայպցիգի և Ստրասբուրգի համալսարաններում: Գեյլերյուկի, Գեյցերի, Հյուբշմանի, Կնապի և այլոց մոտ մասնագիտանում բանասիրության, լեզվաբանության և պատմության մեջ: 1898 թ. էֆստերն ֆենուրյամբ ավարտում է Պետերբուրգի համալսարանի արևելյան լեզուների ֆակուլտետը պարսից պատմության, բանասիրության և լեզվի գծով: 1899 թ. նա գալիս է Հայաստան, ուր գիտական աշխատանքի պայմաններ չգտնելով, էշմիադնի Գևորգյան նեմարանում զբաղվում է ուսուցչությամբ: Հ. Մանանդյանը գիտական-ստեղծագործական աշխատանքի նվիրվեց Հայաստանում սովետական կարգեր հաստատվելուց հետո. երբ նոր պայմանները նրա ռոնոզ մտին հնարավորություն ընծեռեցին ընդգրկել հայագիտության բազմաթիվ հյուղեր: Հ. Մանանդյանը մինչև օրս առաջինն է, ու հումանիտար գիտությունների գծով Հայաստանից ընտրվել է (1939 թ.) ՍՍՀՄ գիտությունների ակադեմիայի ակադեմիկոս, իսկ 1943 թ. հաստատվեց Հայաստանի գիտությունների ակադեմիայի հիմնադիր կազմում:

«Ակադ. Հ. Մանանդյանը որպես բանասեր և աղբյուրագետ» զեկուցումով հանդես եկավ պատմ. գիտ. դոկտոր, պրոֆեսոր Վ. Հակոբյանը: Հ. Մանանդյանը, ասաց նա, գիտական ասպարեզ մտավ որպես բանասեր և ֆառորդ դարգրվեց աղբյուրագիտությամբ և բանասիրությամբ: Այս բնագավառին են նվիրված նրա մի շարք ուսումնասիրությունները և հրատարակությունները: Սակայն տվյալ ասպարեզում նրա գիտական վաստակի զլուխ-գործոցը հանդիսանում է հունաբան դպրոցի հայերեն հնագույն բարգմանությունների հետազոտմանը նվիրված «Հունաբան դպրոցը և նրա զարգացման շրջան-

ներ» աշխատությունը, որը հրատարակվեց 1928 թ.: Հայագիտության մեջ Հ. Մանանդյանը Ն. Ադոնցի հետ փաստորեն հիմք դրեց այդ պրոբլեմի գիտական ուսումնասիրությանը: Հ. Մանանդյանի բանասիրական և աղբյուրագիտական աշխատություններն անբեկանելի կընդունվեն հայագիտության մեջ:

Հայաստանի XI—XV դարերի պատմության՝ Հ. Մանանդյանի ուսումնասիրությանն էր նվիրված պատմ. գիտ. դոկտոր Լ. Բաբայանի զեկուցումը: Այս ժամանակահատվածին են նվիրված 1921 թ. համալսարանում կարգացած նրա դասախոսությունները, որոնք հրատարակվեցին 1922 թ., իսկ այնուհետև մշակելով, նոր աղբյուրների տվյալներով հարստացնելով, Հ. Մանանդյանը զետեղեց դրանք «Քննական տեսություն հայ ժողովրդի պատմության» Գ հատորում: Այս պատմաշրջանը Մ. Ջամշյանից հետո փաստորեն առաջին անգամ ընդարձակ և ֆենական մոտեցմամբ մշակման ենթարկեց մեծ պատմաբանը, որի կատարած գործը լուրջ ներդրում է ոչ միայն Հայաստանի, այլև Անդրկովկասի և Մերձավոր Արևելքի ժողովուրդների XI—XV դարերի պատմության լուսաբանման գործում:

«Հին Հայաստանի ֆաղափական պատմության ուսումնասիրությունը ակադ. Հ. Մանանդյանի աշխատություններում» պրոբլեմի մասին զեկուցեց պատմ. գիտ. դոկտոր, պրոֆեսոր Գ. Սարգսյանը: Շուրջ վեց և կես դար ընդգրկող պատմաշրջանին են նվիրված Հ. Մանանդյանի «Քննական տեսություն հայ ժողովրդի պատմության» Ա, Բ հատորները և «Տիգրան Բ և Հոռմը» աշխատությունը: Այստեղ, մինչ այդ անտեսված փոֆրասիական հունական սկզբնաղբյուրների լույսի տակ մեծ վարպետությամբ ցույց է տրված, որ Տիգրան Բ-ի պայման ընդդեմ Հոռմի ոչ թե ռեակցիա էր ուղղված Արևմուտքի ֆաղափակրության դեմ, այլ հելլենիստական ժամանակաշրջանի տնտեսական, մշակութային կյանքի նվաճումների պաշտպանություն, որ Տիգրան Բ-ն ոչ թե խաղալիք էր Միհրդատ Նվպատորի ձեռքին, այլ պետական մեծ գործիչ, որը վարում էր ներքին և արտաքին ինֆնուրույն ֆաղափականություն՝ ի նպաստ հելլենիստական Հայաստանի: Ամբողջական և հարուստ է տրված էտնոգրանյան շրջանը մինչև Արտաշեսյան դինաստիայի անկումը, ապա Արշակունիների հաստատումը, հատկապես Երկրորդ և Երրորդ դարերի անցուգարծը մինչև Արշակունիների անկումը: Նստաշրջանի վերջում շնորհակալության խոսքով հանդես եկավ ակադ. Հ. Մանանդյանի դուստր Էլենուրա Մանանդյանը:

Պատմ. գիտ. դոկտոր Վ. ՀԱՆՈՐՅԱՆ